

Յօդուածի թեման՝ այն իշխանութեան սահմաններն ու բնոյթը, որը լեզուի մասին կարող է կիրառուել հասարակութեան կողմից անհատի նկատմամբ

Կառավարողները պէտք է ասոցացուած լինեն ժողովրդի հետ, իրենց շահն ու կամքը պէտք է լինի ազգի շահն ու կամքը:

Կառավարողների իշխանութիւնը ազգի սեփական իշխանութիւնն էր՝ կենտրոնացուած կիրառման համար նպատակայարմար ձեւում:

“Ժողովուրդը”, որն իրականացնում է իշխանութիւնը ոչ միշտ է հանդիսանում նոյն այն ժողովուրդը, որի նկատմամբ այն իրականացնում է: Եւ “ինքնակառավարումը”, որի մասին խօսք է գնում, իւրաքանչիւր անհատի կառավարումը չէ ինքն իր կողմից, այլ իւրաքանչիւր անհատի կառավարումը բոլորի կողմից:

“Մեծամասնութեան բնատիրութիւնը” այժմ ընդհանուր առմամբ ընդգրկուած է այն չարիքների շարքում, որից պէտք է պաշտպանուի հասարակութիւնը:

Միակ նպատակը, որով մարդկութիւնը, ինքնուրոյն կամ հաւաքական կազմով, լիազօրուած է միջամտելու իրենց կազմից որեւէ մէկի գործելու ազատութեանը, ինքնապաշտպանութիւնն է: Միակ պատճառը, որով արդարացիօրէն կարող է իշխանութիւն կիրառուել քաղաքակրթուած համայնքի որեւէ անդամի նկատմամբ վերջինիս կամքին հակառակ, այլոց վնաս պատճառելը կանխելն է: Սեփական բարիքը, լինի այն ֆիզիկական թէ բարոյական, բաւարար արդարացում չէ: Նա չի կարող արդարացիօրէն հարկադրուած լինի կատարելու կամ կատարելուց հրաժարուելու որովհետեւ այդպէս նրա համար աւելի լաւ կլինի, որովհետեւ դա նրան կը դարձնի աւելի երջանիկ, որովհետեւ այլոց կարծիքով, նման կերպ վարուելը կը լինի խելացի, կամ նոյնիսկ ճիշտ: Սրանք լաւ պատճառներ են նրան հակառակը համոզելու, կամ նրա հետ տրամաբանելու, կամ նրան աղաչելու, բայց ոչ նրան հարկադրելու:

Ազատութիւնն իբրեւ սկզբունք չի կարող առնչուել այնպիսի իրադրութեան հետ, որը նախորդել է այն ժամանակին, երբ մարդկութիւնը ունակ դարձաւ զարգանալու ազատ եւ հաւասար քննարկման միջոցով:

Մարդկութիւնն աւելի շատ կը շահի, եթէ հանդուրժի միմեանց ապրել այնպէս, ինչպէս իրենց է լաւ թուում, քան հարկադրի ապրել այնպէս, ինչպէս մնացածին է լաւ թուում:

Եթե ողջ մարդկությունը, բացառությամբ մեկ հոգու, մի կարծիքի լիներ, եւ միայն մեկ հոգի հակադիր կ'արժիքի լիներ, մարդկութեան կողմից այդ մեկ հոգուն լռեցնելը ոչ մի կերպ աւելի արդարացուած չէր լինի, քան այդ մեկ անձի կողմից մնացած մարդկութեան լռեցնելը, եթէ նա ունենար նման իշխանութիւն:

Շատ քչերն են անհրաժեշտ համարում զգուշանալու իրենց իսկ սխալականութիւնից:

Մարդիկ, եւ կառավարութիւնները, պէտք է գործեն իրենց կարողութիւնների առաւելագոյն չափով:

Ցանկացած հարցի շուրջ, որն ինքնաբացայայտ չէ, 99 հոգու դիմաց, որը բացարձակապէս անկարող այդ հարցը քննելու, կայ միայն մեկ հոգի, որն ունակ է նման գործողութեան, եւ այս 100-րդ անձի նման ունակութիւնը լոկ յարաբերական է: Քանզի ամեն անցած սերնդում ապրած ակնառու մարդկանց մեծ մասը այնպիսի տեսակէտներ է փայփայել, որոնք այսօր համարում են սխալ, եւ կատարել կամ համաձայնութիւն տուել բազում բաների, որոնք այսօր ոչ մեկ չի արդարացնի:

Մենք կատարել ենք առաւելագոյնը/լաւագոյնը, որ մարդկային բանականութիւնը առկայ վիճակը թուլատրում է:

Ճշմարտութիւնը կարծիքի օգտագործելիութեան/օգտակարութեան մի մասն է:

Մեր սոսկ հասարակական անհանդուրժողականութիւնը չի սպանում ոչ մեկի, եւ արմատախիլ չի անում ոչ մի կարծիք, այլ ստիպում է մարդկանց քօղարկել դրանք, կամ ձեռնպահ մնալ դրանք տարածելու որեւէ ակտիւ ջանքի գործադրումից:

Հարկաւոր է պաշտպանութիւնն նաեւ գերակայող կարծիքի եւ զգացմունքի բռնատիրութիւնից, պաշտպանութիւն հասարակութեան միտումից պարտադրելու, քաղաքացիական պատիժներից զատ միջոցներով, իր սեփական մտքերը եւ գործունէութիւնը որպէս վարքի կանոններ բոլոր նրանց, ովքեր հակադրում են դրանց: Առկայ է սահման անհատական ազատութեանը հաւաքական կարծիքի լեզուի միջամտութեան: Եւ այդ սահմանի բացայայտումը եւ պահպանումն ընդդէմ ոտնահարման, մարդկային յարաբերութիւնների լաւ վիճակի համար նոյնքան անփոխարինելի է, ինչքան պաշտպանութիւնը քաղաքական բռնակալութիւնից:

Իր նկատմամբ, իր սեփական մարմնի եւ մտքի նկատմամբ, անհատն ինքնիշխան է:

Հալածանքը մի բարդ փորձություն է, որի միջով ճշմարտությունը պետք է անցնի, եւ որի միջով այն միշտ յաջողութեամբ անցնում է՝ իրաւական պատիժները, ի վերջոյ, լինելով անզօր ընդդէմ ճշմարտութեան, սակայն երբեմն օգտակար հակազդեցութիւն գործի վնասակար սխալների դէմ: (Միլը այնուհետեւ հերքում է այս պնդման համընդհանրականութիւնը:)

p.27
p.32-33

Ինչքան էլ ճշմարիտ այն [կարծիքը] լինի, եթէ այն ամբողջութեամբ, յաճախ, եւ խիզախօրէն չի քննարկում, այն կը պահպանուի իբրեւ մեռեալ դոգմա, եւ ոչ իբրեւ կենդանի ճշմարտութիւն:

p.35

Հին դարերի լուսագոյն հռետորը արձանագրել է, որ նա միշտ ուսումնասիրել է իր հակառակորդի փաստարկներն նոյն, եթէ ոչ աւելի շատ, խորութեամբ, քան իրենը:

p.36

Քննարկման բացակայութեան պարագայում բառերը որոնք փոխանցում են [ճշմարտութիւնը] դադարում են մտքեր յայտնելուց, կամ արտայայտում են միայն մի փոքր հատուածը այն մտքերի, որոնք ի սկզբանէ պետք է հաղորդէին: Վառ հասկացողութեան եւ կենդանի հաւատքի փոխարէն, կրկնողութեան միջոցով պահպանում են լոկ մի քանի բառակապակցութիւն: Կամ, եթէ ինչ-որ բան նոյնիսկ պահպանում է, դա իմաստի միայն կեղեւն է, իսկ հիմնական մասը կորչում է:

Ժառանգական հաւատքների դէպքում, որոնք ընդունում են պասիւ կերպով, եւ ոչ ակտիւ, երբ ուղեղն այլեւս շահագրգռուած չէ նախկինի պէս գործի դնելու իր կենսական ուժերը իր հաւատքի առաջադրած հարցերի շուրջ, կայ զարգացող միտում մոռանալու ամբողջ հաւատքը բացառութեամբ բանաձեւումների, կամ տալու նրան անտարբեր համաձայնութիւն, իբր ընդունելով այն, վստահելով փոխարինում է կուրօրէն դրան անձնական փորձութեամբ փորձելու կարիքը կամ դրան գիտակցաբարըմբռնելու անհրաժեշտութիւնը:

p.38-40

Եւ՛ ուսուցիչները, եւ՛ սովորողները գնում են քնելու իրենց դիրքերում երբ տարածքում ոչ մի թշնամի չի լինում:

Գոյութիւն ունեն բազմաթիւ ճշմարտութիւններ, որոնց ամբողջ իմաստը հնարաւոր չէ գիտակցել մինչեւ որ այն շընկալուի անձնական փորձի միջոցով:

Մարդու բնոյթը մեքենայ չէ, որ կառուցուի ինչ-որ մոդելի հիման վրայ եւ յանձնարարուի կատարելու այն աշխատանքը, որն իրեն է յատկացուած, այլ ծառ է, որը պէտք է աճի եւ զարգանայ բազմակողմանիօրէն , իր ներքին ուժերի հակումներին համահունչ, որոնք էլ դարձնում են նրան կենդանի:

Մարդկութեան մահաբեր սխալների կէսի պատճառն է հանդիսանում որեւէ երեւոյթի մասին չմտածելու այն հակումը, երբ այն այլեւս կասկածելի չէ:

p.42

Բախուող դոկտրինաները, մէկը ճշմարիտ եւ միւսը սխալ լինելու փոխարէն, ճշմարտութիւնը կիսում են միմեանց միջեւ: Ժողովրդական կարծիքները զգայարանների համար ոչ շօշափելի հարցերի շուրջ, յաճախ ճշմարիտ են, բայց սակաւ կամ երբեք չեն լինում ամբողջութեամբ ճշմարիտ : Մարդու մտքում միակողմանիութիւնն է միշտ գերակշռել:

p.44-5

Մարդկային ինտելեկտի առկայ վիճակում միայն կարծիքի բազմազանութեան միջոցով է, որ գոյութիւն ունի հնարաւորութիւն ըմբռնելու ճշմարտութեան բոլոր կողմերը:

p.46

Մարդու նպատակը իր ուժերի ամբողջական եւ լիարժէք զարգացումն է: Սրա համար կայ երկու նախապայման` ազատութիւն, եւ իրադրութիւնների բազմազանութիւն/տեսականի:

p.54-5

Հանճարեղ մարդիկ նեղ փոքրամասնութիւն են կազմում: Բայց նման հանճարներ ունենալու համար, հարկաւոր է պահպանել այն հողը, որի մէջ աճում են: Հանճարը կարող է ազատօրէն շնչել միայն ազատութեան մթնոլորտում:

Օրիգինալութիւնը միակ բանն է, որի օգուտը հասարակ ուղեղները չեն կարող զգալ:

p.61

Քանի որ կարծիքի բռնատիրութիւնը հակակրանք է առաջացնում անօրինակութեան նկատմամբ, ցանկալի է, որ այդ բռնատիրութիւնը ջարդելու

նպատակով մարդիկ լինեն անօրինակ: Անօրինակությունը առատ է եղել այնտեղ եւ երբ, որ բնաւորութեան ուժն է առատ եղել:

p.63

Եթէ անձն ընդունելի չափով ունի բանականություն եւ փորձառություն, գոյությունը զարգացնելու իր մեթոդը լաւագոյնն է, ոչ թէ այն պատճառով, որ այն ինքնին լաւագոյնն է, այլ որովհետեւ դա իր սեփական մեթոդն է:

p.64

Բարելաւուելու/զարգանալու միակ մշտական աղբիւրը ազատութիւնն է, քանզի նրանով առկայ է հնարաւորինս այնքան զարգացման անկախ կենտրոններ, որքան որ անհատներ կան:

p.66

Սակայն հանրութեան միջամտութեան դէմ ամենաուժեղ փաստարկը, որն առնչուում է զուտ անձնական վարքի հետ, այն է, որ երբ այն միջամտում է, հաւանականությունը շատ է, որ այն սխալ միջամտութիւն է ցոյց տալիս, եւ սխալ վայրում:

p.78

Էս տեղեակ չեմ, թէ որեւէ համայնք իրաւունք ունի ստիպելու միւսին քաղաքակիրթ լինելու, այնքան ժամանակ, որքան որ վատ օրէնքներից տանջուողները չեն հայցում աջակցութիւն այլ համայնքներից:

p.83

Անհատը հաշուետու չէ հասարակութեանը իր գործողութիւնների համար, որքանով որ դրանք վերաբերում են ոչ մէկի շահերին բացի իրենից:

Խրատ, ցուցում, համոզմունք եւ խուսափում այլ մարդկանց կողմից միակ միջոցներն են, որով հասարակությունը արդարացիօրէն կարօն է արտայայտել իր հակակրանքը կամ անհամաձայնությունը անհատի վարքի հանդէպ:

p.87

Այնտեղ, որտեղ ամէն ինչ կատարւում է բիւրոկրատիայի միջոցով, այն ամէնը, ինչին իսկապէս դէմ է բիւրոկրատիան, չի կարող երբեւէ իրականացուել:

Պետութեան արժէքը, ի վերջոյ, այն անձանց արժէքն է, որոնցից բաղկացած է: Մի պետութիւն, որը ճնշում է իր մարդկանց, որպէսզի նրանք դառնան աւելի հեշտ կառավարելի գործիքներ իր ձեռքերում, նոյնիսկ օգտակար նպատակներով, կը հասկանայ, որ փոքր մարդկանցով ոչ մի մեծ բան չի կարող նուաճուել: *Եւ մեքենայի կատարելությունը, որի համար գոհաբերել է*

*ամէն ինչ, վերջում իրեն ոչ մի օգուտ չի բերի, յանուն այն կենսական ուժի, որը,
որպէսզի մեքենան աւելի սահուն գործի, այն նախընտրել է արգելել:*